

թէ եւ ամենայն բանք մարդարէից ի քեզ կա-
 70 տարեցան, այլ եւ ինքեանք աստուածախօսու-
 թիւնք եւ փրկութիւն մարդկան, այլ եւ ամե-
 նայն տուրք բարիք եւ պարգեւք ի քեզ տվան.
 այլ եւ յետ մահուան ի քեզ կատարելոց է
 յարութիւն մեր եւ զատաստան եւ մեր կեանք-
 75 դու լինելոց եւ զրախտ եւ արքայութիւն,
 երեսնաւոր եւ վաթսնաւոր եւ հարիւրաւոր:

Երուսաղէմ մարդարէից գովելի, եւ ա-
 ռաքելոց սխրալի, դու եւ տեղի արդարոց եւ
 բնակարան սրբոց եւ քաղաք կենդանեաց մեծե-
 80 Սիոն: Ով սուրբ Երուսաղէմ. ի քեզ է Սիոն,
 Գողգոթայ, Գեթսամանի, Սողոմոնի տաճարն
 եւ այլն ամենայն: Ով սուրբ Երուսաղէմ, թագ-
 իմ եւ պսակ, փառք իմ եւ բարձրացուցիչ
 զլիսոյ իմոյ: Քեզ երկրպագանեմ, քեզ զպա-
 85 րանոցս եւ զծունկս իմ խոնարհեցուցանեմ,
 քեւ պարծիմ, քեւ ցնծամ, քեւ մխիթարիմ. եւ
 յորժամ յիշեմ զքեզ՝ զամենայն նեղութիւնս
 իմ մոռանամ: Ով սուրբ Երուսաղէմ, զերա-
 զանց եւ երանեալ քան զամենայն քաղաքսն.
 90 ով սուրբ Երուսաղէմ սիրեցեալդ իմ, որ
 քաղցր թուխ ինձ եւ առաւել քան զխորիսիս
 մեղուի, զի որք դան առ քեզ, այլ ոչ կամին
 դնալ ի քէն, եւս առաւել եւս եղկելիս: Եւ որք
 մտանեն առ քեզ, միանդամ մտանեն ի քեզ,
 95 ոչ յազին սիրով քո, այլ երկիցս եւ երկցս
 դառնան առ քեզ. թէպէտ հեռու է ճանա-